

Namminersorlutik Oqartussat akuersissuteqarnissaat pillugit Inatsisartut aalajangiiffigisassaattut siunnersuutit:

Imm. 124:

Ingerlatsiviit pillugit inatsisip allangortinneqarnera pillugu inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassianik piviusunnngortitsineq aamma aalajangersakkanik attuumassutilinnik nutarsaaneq)

Imm. 125:

Inuussutissarsiutigalugu aningaasaateqarfiit pillugit allannguutitut inatsisini assigiinngitsuni aalajangersakkat ilaasa kunngip peqqussutaatigut Kalaallit Nunaannut atuutsilernissaannik Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunnngortinneri)

Imm. 126:

Sulliviit inuussutissarsiutitut ingerlatat ilaat pillugit inatsisip allangortinneqarneranut inatsisini assigiinngitsuni aalajangersakkat ilaat kunngip peqqussutaatigut Kalaallit Nunaannut atuutsilernissaat pillugu inatsit pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunnngortinneri)

Imm. 127:

**Aningaasaateqarfiit aamma peqatigiiffiit ilaat pillugit inatsisip allangortinneqarnissaanut inatsisit assigiinngitsut kunngip peqqussutaatigut Kalaallit Nunaannut atuutsilersinneqarnissaat pillugu Namminersorlutik Oqartussat akuersissuteqarnissaat pillugu Inatsisartut aalajangiiffigisassaattut siunnersuut. (Piginnittuiit pillugit malittarisassiat piviusunnngortinneri)
(Inuussutissarsiornermut Niuernermullu Naalakkersuisoq)**

Akissuteqaat

(Inuussutissarsiornermut Niuernermullu Naalakkersuisoq)

Aappassaaneerinnineq

Naalakkersuisut sinnerlugit Inuussutissarsiornermut Aatsitassanullu Ataatsimiititaliaq qutsavigiumavara aalajangiiffigisassatut siunnersuutit suliarinerannut atatillugu

UKA2021/124

UKA2021/125

UKA2021/126

UKA2021/127

Suliat normui 2021-5215

peqqissaartumik suliaannik. Naalakkersuisut sinnerlugit nuannaarutigaaara ataatsimiititaliap isumaqatigiittup siunnersuutinik akuersissuteqarnissaq inassutigimmagu.

Ataatsimiititaliap maluginiarpaa ajornakusoorsinnaasoq siunnersuutit allaffissornikkut kingunerisassaasa immikkuualuttortalersugaanerusunik allaaserineqarnissaat. Siunnersuutit akuersissutigineqassappata Naalakkersuisut siunnersuutit allaffissornikkut pisortani aamma inuussutissarsiortuni kingunerisassaata malinnaavigissavaat. Taamaasillutillu Naalakkersuisut qularnaassavaat pitsaanngitsunik sunniutaasinnaasut iliuuseqarfigineqarnissaat.

Aalajangiiffigisassatut siunnersuutit ukua akuersissutigineqarnerisigut ilaatigut ersarinnerulersinneqassapput piginnittuunikkut aaqqissuussisarnerit, taamalu naammassisaqarfiusinnaasunik iliuuseqarsinnaaneq aaqqissuunneqassalluni pinerlunnikkut aningaasat pissarsiat malunnarunnaarsinneqarsinnaaneri aamma ajutumeeriniartartut aningaasalersorneqarsinnaaneri eqqarsaatigalugit.

Taamatut naatsunik oqaaseqarlunga aalajangiiffigisassatut siunnersuut Inatsisartuni inussiarnersumik suliarineqarnissaanut tunniuppara.